

## Pɔɔri wāri dūi pátíri dèri Timōntee Di mpátíri tɔ tūi náaṅti

Pɔɔri do yóo wāri Timōntee dipátíri dèri ke bo Odømmu nwe. Ò do wāri de kó dipátíri Timōntee nwe ke bo o duó nyitié, kè dèe yie nkè mebennímè ò tùðkení ò nwéèrì kèntié nKuyie ntié nyi dò nti nyi tièmmè.

Kòo ò nàké ke dò ò dò nkéndakemu bèè ce ntineiti detetirè kpeti, yetannò ìnkè detetirè kè dè bè détingonè Kuyie nkuó. Demou de mieke ke tié Timōntee ke tú wè nyé wenwe Pɔɔri ò fèüté mètè botí, nè meminnímè ò mòðtemè mefèütímè mieke nè ò dó mètè botí Kirisi kɔbe.

*Di mpátíri náaṅti duó ke dòmmè*

1. Pɔɔri sántemè Kuyie, nè ò yáúkunnemè Timōntee kṅnti ke dò ò ntēi 1:1-18
2. Pɔɔri duó nyi tié nTimōntee 2:14-4:5
3. Pɔɔri ò mómmuò nhò do bo tūi mieke 4:6-22

*Mudummu*

<sup>1</sup> Mí mPɔɔri Yesu Kirisi kó ditōnni, Kuyie nkuù n tãáté kè m bo nàké benitibè tináaṅti tūi duó mmufòmму kù do nàké tūi kpéi. Oniti òṣ taunnè Yesu nwe kèpété de kó mufòmму. <sup>2</sup> Míi da wāri di mpátíri, fí nTimōntee n kóo dapàà n tá wè. Kuyie nti cice nè ti Yiè nYesu Kirisi, bè da kuó mmesémmè ke da dòò mesàà nke da duó ndiwèi!

*Pɔɔri yáúkunkomè Timōntee kṅnti*

<sup>3</sup> N sāntímu Kuyie kunku n yembè do tũ nkù, m pĩ nkùù tōmmù bá n yèmmè í m bekùnè. N kù bàámmu keyènkè nè kuyie nha kpéí. <sup>4</sup> Nh ã dentenímu ti sòò yóó yate dìì mǎnnì kàa kuó mmèè botí tinǎnnieti, kéndó ke da yà kè dè n narike. <sup>5</sup> N yému a tāmè Kuyie mmesàà, a yǎ kótì Doyiisi nè a yǎ Enniisi bè do kù tá mèè botí. <sup>6</sup> A báá yè n da ndò ndìì mǎnnì sinou ke bántè Kuyie nkè kù da pǎ dìì pǎnnì kpéí. <sup>7</sup> Muyaánsààmù í ti bónkùnko, mù ti duò mmuwèrímù mmu, ke te kè ti dó titòbè, ke nò nke pĩ ntimáà.

<sup>8</sup> Ifei bá nda bonè a bo nákémmè ti Yiè nYesu Kirisi kpéí nnè bè n kpetímè o kpéí. N wènnénè kèfèútè Tináansààti a náá nti kpéí nnè Kuyie nda duó mmù wèrímù. <sup>9</sup> Kuù ti yu ke ti deeté, dè í tú kù yè nti dǎòrìmè mèè wenni, kuù mè dó nè dimǎnnì ke mu nyí dǎò kutenkù, ke mè dǎò nè Yesu Kirisi kpéí. <sup>10</sup> Bàmbà nkè ti yà ku sàà nkù duǎnnímè Yesu Kirisi kòò ti deeté, ke na mukũũ nke mù dèè, ke ti nàké Tináansààti kè ti pètè mufòmmu mùù bo sáà.

<sup>11</sup> Kuyie nni ndòò ku kó ditǎnnì kè m bo náké tii náansààti bèè í tú Sifube ké ti mbè tié. <sup>12</sup> Tii náansààti te kè n fèürì bá ifei í m bo, n yè mèè kpéí n tá wè, ke yé ke dò nhò bo m baa ò n duó ndè kétuakèné tibeénti yiè. <sup>13</sup> A mpĩ nTináansààti n da nàké ti, ke dake duó nhamáà Kuyie, ke ndó betòbè nè muwèrímù ti mǎke mù ti Yiè nYesu kó metaummè mieke.

<sup>14</sup> Mpĩ mmesàà mMuyaánsààmù mùù bo ti mieke mù da duó ndè. <sup>15</sup> A yému ke dò nhAsii kòbe bèè do m bonè, Fiseeri nè Edimǎsenni bè n yóumu. <sup>16</sup> Kuyie ndòò mesàà Onnesifòò cǐtè kòbe, ke yé bè n kpetímè

bá ifei í ò bo, kòò kàrìní ke n d̄ou nke yáúkùnkò n kòntì. <sup>17</sup> Ò t̄uàkení dìì m̄ònnì Odommu miεke ké n wammú weti weti nwe k̄éna ké n yà. <sup>18</sup> Ti Yiè nYesu ò kuó mm̄esém̄m̄è, k̄òo p̄été m̄esàà nKuyie mbeéntì yiè. A ȳēmu wè n teennè m̄èè botí Ef̄esi.

## 2

### *Kirisi āāp̄àntì sààwè wèè d̄òrri Kirisi d̄óm̄è*

<sup>1</sup> Timōntee n k̄oo dap̄àà n t̄á wè m̄esàà, yetoo k̄è ti Yiè nYesu Kirisi da duó mm̄uù w̄ērímú da kp̄énkunn̄e. <sup>2</sup> A k̄èè k̄è n n̄áà ntì benit̄ib̄è, tuo ntì bet̄òb̄è bèè borim̄e wenni, bèè yóó na ke ti t̄uò mb̄et̄òb̄è.

<sup>3</sup> N w̄ennén̄è k̄è ti f̄ēūt̄é a tú m̄èè kp̄éí Yesu Kirisi k̄oo āāp̄àntì sààwè. <sup>4</sup> Oh̄āāp̄àntì wèè d̄òrri wèè ò baké ò d̄óm̄è, ò ã̄ ì nd̄òrri det̄er̄è mar̄è k̄è d̄è í tú muh̄āāp̄ànt̄ōmm̄ú. <sup>5</sup> K̄òo n̄it̄i m̄e nd̄ó k̄écoké k̄édié nh̄ò ã̄ nt̄ūmmu muceé nk̄ó ikuó k̄òo í ì t̄ūnn̄e ò báá na k̄éniit̄é k̄ép̄été tiyeti. <sup>6</sup> W̄èè kuút̄i m̄esàà nweè ã̄ nd̄ò nk̄éniit̄é k̄ék̄ōũ tidiit̄i. <sup>7</sup> Totí a ȳēmm̄è ti nn̄áànt̄i ìnk̄è, ti Yiè nyóó da teenn̄èmu k̄àa t̄i bant̄é tim̄ou.

<sup>8</sup> Á báá ȳè nYesu Kirisi wèè ku ke ȳànt̄é o kp̄éí. Bè p̄eit̄é wè Dafiti kó kufuku miεke. Tin̄áāns̄àt̄i n n̄áà ntì n̄áà nweè kp̄éí. <sup>9</sup> N n̄áà mm̄èè kp̄éí nTin̄áāns̄àt̄i d̄eè te k̄è n f̄ēūr̄i, k̄è bè n kpetí ke dò n tú onitik̄òut̄i, bè m̄e nyí yóó na k̄épāa nKuyie nn̄áànt̄i. <sup>10</sup> D̄eè te k̄è m mi nke f̄ēūr̄i Kuyie nt̄āāt̄é bè kp̄éí, k̄è Yesu Kirisi bo bè d̄eēt̄é k̄è bèe ninte tikpeti t̄i bo s̄áà. <sup>11</sup> Tin̄áānt̄i t̄i nt̄ú tim̄ómm̄ōnti nti: K̄è ti w̄ennén̄è Yesu Kirisi ke ku, ti bo ò w̄ennén̄è k̄énf̄òu.

<sup>12</sup> K̄è ti w̄ēēr̄i koò t̄i,

ti bo ò wěnnénè o kpàtì miεke,  
kè ti me nhò yete  
ò bo ti yete múнке.

<sup>13</sup> Kè ti í dɔɔri Kuyie ndómè,  
wenwe dɔɔrimu kù dómè.  
Ke yé wè í yóó namè ke yóu ò dòmmè.

*Otɔnti sàawè bo ndòmmè*

<sup>14</sup> Dente be ti nnáàntì, ké tí mbè nàké weti  
weti Kuyie nyìkè ke tú bèe yóu tisínténèitì, tí í  
dɔɔri mesàà, tí pètínke buòmmu bèè tí kémú.  
<sup>15</sup> Yetoo kéndò nhotɔnti sàawè Kuyie nyìkè, ke  
bá mmàke tì bo da pí nyifei a tómmú ìnkè, kàa  
nnáà ntínáànsààtì dè bèkúmè. <sup>16</sup> Nyennínè tinèitì  
sɔntíke kpèti tìi pìetinè Kuyie nkó kuce, bèè dó de  
kó tisínténèitì tí bè dètínkonè Kuyie nku. <sup>17</sup> De kó  
tinèitì dònnè dimənsínni ndi ke dəmmu, bèè tí màke  
be kó bèmabè tu: Imindee nè Fideiti. <sup>18</sup> Bè yóu  
timómmənti nti ke dètinnè bèmabè Kuyie, ke bè nàá  
nke tú Kuyie nduó nkè becíribè yànté ke dèèmu. <sup>19</sup> Nè  
memme Kuyie ndú nyèè pūke kè yè fiíkú teii, kè ku  
nààntì wàri ye ìnkè ke tú: Ti Yiè nKuyie nyému ku  
kəbe. Kè titetì wàri ke tú: Kè wèè yí ò tú ti Yiè nkou  
wèe yóu meyei.

<sup>20</sup> Tecíètè diètè miεke tinènti ð mbomu tibotí  
tibotí: Mesəə kpèti nè timátì péitì kpèti nè tiyaatì  
kpèti nè ideí kpèti. Kè bè pīnnè tìmatì mutómmú  
yebaa mmieke, ke pīnnè titetì yewe yeməu, ke  
kounè titetì tiyontì. <sup>21</sup> Wèè yóu meyei n nàá  
mmèè kpéi ndie nhò bo ntú tí Yiè nkou, kéntú  
kunenkù sààkù bè pīnnè kù mutómmú sààmù.  
<sup>22</sup> Pí nhamáà kè tidapàntì báá da tanné meyei  
mmieke, kəmbetì timómmənti, kényetíroo ke

tá Kuyie, kénwàà mmédókùmè, kém̄beti diwèi, kénwènnè bèè tū nKuyie nnè be yèmmè memou. <sup>23</sup> Bá nyíé ntiyèinnèitì detetìrè kpeti, tì ce nyekpàrè nyè. <sup>24</sup> Kuyie nkóo tǒntì í dò nkéndó yekpàrè, ò dò nkéndó benìtibè bémou ndi, kénno nke bè tiè, kénno nke mi. <sup>25</sup> Ke tiè mbèè í dǒ o náàntì meyoðmmè, kè dè yèmmè Kuyie mbo bè teennè kè bèè banté timómmonti kéceete kè be borimèe wenke. <sup>26</sup> Kè bèè yè dibàò dii do bè pī ndi nàùtè mièke, kénáá mbesààbè kéndòori Kuyie ndómè.

### 3

#### *Benìtibè yó ndòmmè yewe sonye*

<sup>1</sup> Timōntee, á nyé ke dò ndè yóó yonkemu yewe sonye mièke. <sup>2</sup> Kè benìtibèe naá nsinòutǐ yembè, kéduó mbe yèmmè idíítí, kénhā yepàrè, kèmmake sifeí, kénsáá nKuyie. Ke í sánti bè bè pāā ndè kprí, ke sènkú dèè tu Kuyie nkperè. <sup>3</sup> Kè be toò kpenke, kè bè nkpa mesémmè, ke náante betàbè kprí, ke mōke kemieyonke, ke yóù, ke ní mbenìtibè bèè dòòri dèè wenni. <sup>4</sup> Bè bo nfiiti betàbè, ke mōke kemieke nè sifeí, ke dōori be yèmmè dómè ke í dǒ Kuyie, <sup>5</sup> kéndòori ke dò mbè tū nKuyie nkó kuce ke né yetírí dèè tu bèè tá be kó muwērímú, á yatènè amáà de kó benìtibè. <sup>6</sup> Bèè kó bèmabè taà benitipòbè bèè mu nyí kpenke Kuyie nkó kuce be cǐ. De kó benitipòbè mōke meyei mme péu ke í nò nke pī mbemáà, <sup>7</sup> ke tú bè wanti timómmonti bè me nyí na ke tì banté. <sup>8</sup> Bèè me ntaà benitipòbè cǐ bè yete timómmonti nti, ke dònne Esibiti kó benitinòmbè Sannesi nè Sāmbeesi

\* bè do yetemè Məyiisi kp̄eti, kè be yèmmèe sīnte kè bèe bútinne Kuyie nkó kuce. <sup>9</sup> Be dṑrìmè me nyí yó nhā ke s̄ori, mè yóó feitēmu kéndōnnè de kó benitinòmbè kōme do feitēme.

*P̄ɔ̄ri nàkémè Timōntee ò dò nkéndōmmè*

<sup>10</sup> F̄ó nTimōntee, a kèemu n tié, ke yà m borime dòmmè ke ȳíté m betì mù ke yà n tá mēè botí Kuyie nnè m minníme nè n dó mēè botí Kuyie nnè benitibè, nè n fííkúme Kuyie nkó kuce miēke. <sup>11</sup> A yēmu bè n fēũ mmèè botí nè nh àké mēè botí. A yēmu tì n tū̀kení Āntiyōsi nè Ikōnni nè Disiri. N yàmu mefēũtímè memou botí kè Kuyie mme nni deeté. <sup>12</sup> Bēè dó kéndō̄ri Kuyie ndómè ke tū nYesu Kirisi bè yóó bè fēũmmu. <sup>13</sup> Kè benitiyonkubē biē nè iyáàbìsítíē nyembè bè yó nsakēmu ke tati meyei mmieke, ke fētinko benitibè nè bemómmōmbē. <sup>14</sup> F̄ó nni mp̄i mbè da tié ntì kàa ti yie nnè a yèmmè memou, a yēmu wèè tì nda tié. <sup>15</sup> A yēmu Kuyie nnáañtì nè a bemmè, tì da duó mmeciì nkàa yie nYesu kòò da deeté. <sup>16</sup> Kuyie nkuù niitè bèè w̄ari ku náañtì, kè bè tì w̄ari kè tì wenni, ke ti benkú timómmōnti nè ti yei nnè ti yetímè nè ti bo mbo mēè botí ke dō̄ri Kuyie ndómè. <sup>17</sup> Kù mè dṑ kè dè bo yie nkè ku kóo nìtì weè tūntē omáà mesàà nkép̄i mmutōmmú sààmù.

## 4

<sup>1</sup> N da náámmu nè Kuyie nkó diyètìrì nè Yesu Kirisi kp̄eri, wenwe wèè wētini ke bo baaté

---

\* **3:8** Sannesi nè Sāmbeesi: De kó benitinòmbè bè nàa mbèè kp̄éi Mudennimù 7:11-22 bè me nyí kè w̄ari be yètè.

kutenkù kébekénè befòubè nè beçírìbè kè n tú:  
<sup>2</sup> A yetoo kénnaá Kuyie nnáahti sáã, kè yemòrè wenni yoo yè sī. Kè wèè yeté a ò tié nkòo banté o yetímè, kè wèè dò nha ò kpannè a ò kpannè, kè dè dò nha yáúkùnnè wèè kònti, á ti yáúkùnnè, á mmi nké mbè tiè nnè meyèmmè memáà. <sup>3</sup> Yemòrè kraanímu kè benitibè yóó yete itié nsàayi, kéwammú bèè bo mbè ni ke bè náà mbè dó ti. <sup>4</sup> Kè bèè búttinné Kuyie nnáahti kèntünne iyáàbìsítíé. <sup>5</sup> A nno nke pī nhamáà, kémmeke meminnímè mefěűtímè miéke kénnaá nTináahtsààti ke pī nha tōmmú weti weti.

<sup>6</sup> N da náá mmie nke yé n duómmèmu n fòmmu ke yóó kú. N kũũ mmònni dii tũðke. <sup>7</sup> M màmu dè bèkúmè, ke tá Kuyie nke tũðke kumànkú. <sup>8</sup> Ke baa tucuuti obeénti sàawè yó n duó ntì tibeénti yiè, wè í yóó ti duó mmũ mmáà. Ò yóó ti duó mbèè kó dimàà ò bàa bèmbe nè diwèi ò yóó wētení dii yiè.

### *Pòori do yé Timòntee báá yè ndè*

<sup>9</sup> Yetoo kékòtení meçãã nké n yà. <sup>10</sup> Demaasi dó kutenkù kuù nkperè nde ke n yóu ke kòte Tesadoniki, kè Keresãã kòte Kadasii, kè Titi kòte Dadimasii. <sup>11</sup> Duku wèè máà kpaá ke m bonè. Kàa kòriní a nneinni Mariki kòo n teennè mutōmmú. <sup>12</sup> Tisiki yie nh ò tō nhEfeesi nwe. <sup>13</sup> Kàa kòriní a n tóní n yaàbòrì n yóu di Todowaasi, Kapuusi çfětè, kèntōnní m páte, a báá yè nha bo n tōnnímè Kuyie nnáahti kpeye.

<sup>14</sup> Adekisántiri omáati n dðò meyei mmediè, ti Yiè nyóó mè nhò yietímu. <sup>15</sup> Á nyé o kpéi, ò cààrimu ti náá ntì kó dimàà.

16 Bè do m bekùnè dīi mōnnī mēketimè kè bè n yóumu bēmōu, Kuyie mbáá bè yietí be caàrìmè. 17 Kè Kuyie mmē nní nni mbonè, kè n dēeténè yecìrìcìrè, kè n duó mmuwērímú kè n nàké Tináaṅsààtì bèè í tú Sifube. 18 Ti Yiè mbo nni ndeeri nè meyei mmēmōu, kè n tanné o kpààtìyuu, o yètìrì ndeu sáà. Kè dè mmē ndò.

### *Mucaummu*

19 A dōu Pirisiidi nè o dōu Akidaasi nè Onnesifō cīètè kōbe. 20 Edasiti kpaá Kōdenti nwe, kè Tod-ofimmu mō nkè nh ò yóu Mideti. 21 Yetoo kékōtení kè diyōḍ kpaaní.

Ebuduusi nè Pitāā nè Dinuusi Kododiya nè ti kōbe tōbè bè da dōunko.

22 Ti Yiè nni nda bonè!

Kuyie nkó mesàà nní nda bonè.



**Bibiri Kuyie Nnààntì Pátírì**  
**The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16